

**ՀԱՅ-ԱՂՈՒԱՆԱԿԱՆ ՔԱՂԱՔԱԿԱՆ ՈՒ
ԿՐՕՆԱԿԱՆ ԱՌԱՔԵԼՈՒԹԻՒՆԸ ՀԻՄՆԻՍ-
ԱՐԵՒԵԼԵԱՆ ԿՈՎԿԱՍՈՒՄ ԵՒ ՀՈՆԱՅ ԴԱՐՁԻ
ԺԱՄԱՆԱԿԱԳՐՈՒԹԻՒՆԸ**

ԱՐՄԷՆ ՇԱՀԻՆԵԱՆ

a.shaginyan@spbu.ru

ՄՈՒՏՔ

Վաղ միջնադարում հայ-աղուանական քաղաքական ու կրօնական համատեղ առաքելութեամբ խազարներին հպատակ հիսլիսկովկասեան հոները կրօնափոխում են:

Ուսումնասիրութիւնը կը ճշդի պաշտօնական այդ դարձի ժամանակագրութիւնը:

Մօտ 631ին Բիզանդական Հայքի տարածքներից ձեւաւորուեց հայոց ինքնավար իշխանութիւնը, որի սահմանները միքանի տարի անց ընդլայնուեցին Մեծ Հայքի մարզպանական, այսինքն՝ պարսկական հատուածի հաշուին: 652ի Օգոստոսին հայոց գահերէց իշխան Թէոդորոս Ռշտունին (639/40-659) համաձայնագիր կնքեց Մերձաւոր Արեւելքի նոր ակոյեանի՝ Արաբական Խալիֆայութեան, որը արդէն քաղաքական քարտէզի երեսից ջնջել էր Սասանեան Իրանը եւ բռնազաւթել Բիզանդիայի բոլոր արեւելեան գաւառները: Արդիւնքում հայոց իշխանութիւնը - Դուին մայրաքաղաքով - ստացաւ անվտանգութեան երաշխիքներ եւ պետական ինքնիշխանութեան ճանաչում: Փոխարէնը՝ Թէոդորոսը ընդունեց արաբ փոխարքայ Մու'աւիայի (640-661) գերիշխանութիւնը, պարտաւորուելով երեք տարուց յետոյ սկսել ամենամեայ հարկ մուծել նրան, նրանից էլ ստանալ իր իշխանութեան տարբերանշանները: Այդ իսկ պատճառով, 653ին Թէոդորոսը շտապեց Դամասկոս եւ իր նոր գերիշխանից ստացաւ անելին՝ յարակից հարակովկասեան երկրների՝ Աղուանքի եւ Վիրքի, հանդէպ կառավարման իրաւունքներ!:

Արաբական Խալիֆայութեան գերիշխանութեան ձեւական ճանաչումը շարունակուեց մինչեւ 680ի մահը Մու'աւիայի՝ ով 661ին բռնատիրել էր խալիֆայի գահին: Նրան յաջորդող Եազիդ

Ա.ի (680-683) օրօք «...եղեւ շփոյթումն Տաճկաց սաստիկ պարերազմաւ: Եւ դադարեցին ի հարկապրոյթենէ նոցա Հայք, Վիրք եւ Աղուանք՝ ծառայեալ նոցա ամս Լ»²: Այս տողերը պատկանում են 685 Թուականի Ժամանակագրութիւնի հեղինակի գրչին, ենթադրաբար՝ հայ վարդապետ Փիլոն Տիրակացուն: Մէկ դար անց մէկ այլ հայ վարդապետ՝ Ղետնդը, դրանց կ'աւելացնի՝ «Եւ եղեն ատուրք ապստամբութեան նոցա ամբ Գ»³:

Մինչեւ օրս այդ «ապստամբութեան» սկիզբ էր ընդունուած Մու'աւփայի մահուան տարին⁴: Սակայն հարկաւոր է թուագրել այն 681ի Օգոստոսից մինչեւ 682ի Օգոստոսը ընկած ժամանակահատուածով՝ Լ. տարիների ծառայութեան սկիզբն ընդունելով հայ-արաբական դաշնագրի կնքումը, 652ի Օգոստոսը: Ժամանակագրութիւնից մեջբերուած հատուածը համապատասխանում է եւ յաջորդ ժամանակագրութեանը, եւ արաբագիր պատմիչ Ալ-Բալաճուրիի (մահ. 892) մօտ պահպանուած ամանդութեանը: Այնտեղ ուղիղ նշում է, թէ ինչպէս Արմինիյան, Իբն Ազ-Չուբայրի (682-692) օրօք բռնկուած քաղաքացիական կռիւներից օգտուելով, անմիջապէս անջատուեց Խալիֆայութիւնից՝ խախտելով կնքուած համաձայնագիրը⁵: Աւելին, մէկ այլ արաբ մատենագիր՝ Ալ-Եա'կուփիի (մահ. 897) մօտ, պահպանուել է Խալիֆայութեան –կարծում ենք հենց այս ժամանակահատուածին վերաբերող –հարկային մատեանը⁶: Այնտեղ թուագրուած են Սասանեանների նախկին բոլոր մարզպանութիւնները, բացի այն երեքից, որոնք միասին արաբները կոչում էին Արմինիյայի Ուփլայթ (նահանգ), եւ որոնք Մու'աւփա Ա.ի օրօք արքունի հարկերը կանոնաւոր փոխանցում էին Դամասկոս, իսկ Եազիդ Ա.ի օրօք այդ անելուց հրաժարուեցին:

Օգտուելով իրավիճակից, երբ արաբական իշխանութիւնները անգոր էին ապահովել Կովկասից հարաւ գտնուող քրիստոնեայ պետական կազմաւորումների արտաքին անվտանգութիւնը՝ Դարբանդի դռներով եւ Կովկասեան Լեռնաշղթան յաղթահարելով Աղուանք ներխուժեցին թիրքախօս հոններն ու խազարները:

Առաջին անգամ 630ից յետոյ, երբ Արեւմտա-Թիրքական Խաքանութեան արեւելաեւրոպական ու հիւսիսկովկասեան տիրոյթներում ձեւաւորուել էր Խազարական անկախ Խաքանութիւնը, այս քոչւոր ցեղերը Հարաւային Կովկաս էին ներխուժել դեռ 661ին:

Աշխարհացոյցի, հիմնականում Անանիա Շիրացուն (մօտ 612-685) վերագրուող ընդարձակ խմբագրութեան, «Ասիական Սկիզբիա» յօդուածում հոնների մասին հետեւեալն է գրուած. «Իսկ ի հիւսիսոյ նորա՝ (այսինքն՝ Դարբանդի - Ա.Շ.) թագաւորութիւն (աւելի ճիշտ՝ Մեծ Իշխանութիւն - Ա.Շ.) Հոնաց հուպ ի (Կասբից - Ա.Շ.) ծով. եւ ի մերից նորա առ Կաւկասով Վարաջան⁷ քաղաք նոցին Հոնաց...»: Յաջորդ հատուածում սոյն յօդուածի տեղեկութիւնները ուղղակիօրէն վկայում են, որ հոնաց թագաւորը (մեծ իշխանը) ճանաչում էր խազարական խաքանի գերիշխանութիւնը⁸:

Աղուանից իշխան Ջեւանշէրի (636/7-681) գահակալման 28րդ տարում, երբ «յինէր ծմեռնային եղանակի հասարակաւորութիւն», այսինքն՝ 664ի Դեկտեմբերի 21ին կամ 22ին, Աղուանից Աշխարի ներխուժեցին հոները, եւ այս անգամ՝ առանց խազարների: Ճշգրիտ այս օրը մենք յայտնաբերում ենք անանուն հեղինակի մօտ, ում երկը 684 Թուականի Պարմութիւն պայմանական խորագրով տեղ է գտել Պարմութիւն Աղուանից Աշխարիի եռահատոր գրքում, որն իր հերթին պատկանում է Ժ. դարի պատմիչ Մովսէս Դասխուրանցու գրչին⁹:

Հոների արշաւանքը պարտադրեց Ջեւանշէրին՝ բանակցութիւնների նստել նրանց հետ: Սակայն, ինչպէս հաւաստիացնում է անանուն հեղինակը, տուեալ նախաձեռնութեամբ հանդէս եկաւ հոնաց արքան (մեծ իշխան Աղի Իդիթուէրը¹⁰): Վերջինս բանակցութիւնների յաջող աւարտից յետոյ վերադարձրեց Ջեւանշէրին 120 հազ. գլուխ ոչխար, 7 հազ. ձի ու ցուլ: Այնուհետեւ խաղաղութեան դաշինք կնքուեց, որն ամրագրուեց հոնաց թագաւորի դստեր ու աղուանից իշխանի անդրանիկ որդու ամուսնութեամբ¹¹:

Մատենագիրը ոչինչ չի յայտնում այն պարտաւորութիւնների մասին, որոնք ստանձնեց Ջեւանշէրը: Եւ հենց դա մեզ յանգեցնում է այն եզրակացութեան, որ տուեալ պարտաւորութիւնները ինչ-որ կերպով չէին բխում աղուանից իշխանութեան գերագոյն շահերից: Չէ՞ որ այս իշխանի անանուն պատմիչը, ով նրա քաղաքական գործունէութեանը (եւ ոչ միայն քաղաքական), նուիրել է իր երկի մի շարք գլուխներ, չի թաքցնում իր մեծ համակրանքը նրա հանդէպ: Մենք կարծում ենք թէ Ջեւանշէրը պարտաւորուեց ճանաչել Աղի Իդիթուէրի գերիշխանի գերագոյն իրաւունքները:

Հաստատուած խնամիական կապերն էլ, մեր խորին համոզմամբ, հենց դրա վառ վկայութիւնն են:

Խաղաղութիւնը հոները խախտեցին միայն Պարտաւում Ջեւանշէրի դաադրաբար սպանութիւնից յետոյ: 684 Թուականի Պարմութիւնի հեղինակը, ով այս սպանութեանը նուիրել է իր երկի մի ամբողջ գլուխ՝ «Մահ Արիասական Ջեւանշէրի Մեծի Իշխանին» խորագրով¹², ով գրի է առել վիպերգական մի երգ, յօրինուած ոմն հռետորի կողմից՝ «Ողբ Ի Մահն Ջեւանշէրի Մեծի Իշխանին» վերնագրով¹³, դարձեալ լռում է՝ չնշելով այս անգամ աղուանից իշխանի սպանութեան օրը: Փոխարէնը նա գրում է, որ սպանութիւնը տեղի ունեցաւ «...իբրեւ անցանէին աւուրք խորշակայեցոց փաթանացն, ի ժամանել բարձրութեան փաւնին մեծի Նաակափեաց խաչին,...»¹⁴: Նա նշում է նաեւ, որ դա «ի վաթսներորդ երկրորդ ամի հարաւայնոյ իշխանութեանն գոռոզին Մահմափայ»¹⁵, այսինքն՝ հիջրայի (681/2):

Քանի որ հիջրայի 682ը սկսուել է 681ի Սեպտեմբերի 20ին, ապա խօսքը 681ի Սեպտեմբերի մասին է, երբ աղուանից եկեղեցին հայոց եկեղեցու հետ մէկտեղ ամսի 15ին, 16ին, 20ին եւ 21ին մեծ ճոխութեամբ նշում էր Խաչվերացի տօնը¹⁶:

Պարտաւում Ջեւանշէրի սպանութիւնից անմիջապէս յետոյ նրա եղբոր որդի Վարազ Տրդատը ընտրուեց նոր իշխան: Լուրն առնելով հոնաց մեծ իշխանը, 684 Թուականի Պարմութիւնի հեղինակի վկայութեամբ, ներխուժեց Աղուանք մեծաթիւ զօրքով¹⁷: Ենթամաստից էլ ուղղակիօրէն հետեւում է, որ Աղփ Իղիթուէրը իր խնամու սպանութեան դիմաց վրէժխնդիր էր ուզում լինել: Եւ ահա աղուանից նորընտիր կաթողիկոս Եղիազարը (681-687) ստիպուած էր ներկայանալ հոնաց իշխանի ճամբար ու արդարանալ նրա առջեւ առ այն, որ Վարազ Տրդատը իր հօրեղբոր սպանութեան հետ որեւէ առնչութիւն չունի, որ նա իշխանական գահին բռնութեամբ չի տիրել, այլ երկրի նախարարական ժողովի կողմից է օրինաւոր կերպով ընտրուել: Միայն դրանից յետոյ է որ Աղփ Իղիթուէրը թողնում է Աղուանից աշխարհը եւ վերադառնում Վարաջան/Վառաջան¹⁸:

Նմանատիպ ներխուժումներից ապագայում խուսափելու համար՝ Վարազ Տրդատը պատմական որոշում է ընդունում՝ դեսպանութիւն ուղարկել Աղփ Իղիթուէրի մօտ՝ Մեծ Կուէնից

եպիսկոպոս Իսրայելի գլխաւորութեամբ¹⁹: Եւ պատահական չէ, որ այդպիսի կարեւոր առաքելութիւնից առաջ մենք գտնում ենք Իսրայէլին Վաղարշապատում՝ հայոց վեհափառ Սահակ Գ. Ձորափորեցու (677-704) եւ գահերեց իշխան Գրիգոր Մամիկոնեանի (662-685) պաշտօնական ընդունելութեան ժամանակ: 684 Թուականի Պարմութիւնում դէպի Հոնք դեսպանութեան նկարագրման նախորդող գլուխը ամբողջովին այդ ունկնդրութեան է նուիրուած²⁰:

Հանդիպումները Վաղարշապատում պատահական չէին: Չնայած, դրանց օրակարգի ու բովանդակութեան վերաբերեալ ոչինչ չեն գտնի անանուն մատենագրի մօտ, Իսրայէլը հայոց իշխանութեան մեծամեծների հետ անկասկած պէտք է որ քննարկէր իրեն վերապահուած քաղաքական ու կրօնական գործունէութիւնը հեթանոս Հոնքում: Բանն այն է, որ աղուանից հայրապետական աթոռը գտնուում էր կաթողիկոսանիստ Դուինի հովանու ներքոյ²¹:

684 Թուականի Պարմութիւնի այլ հատուաղում գտնում ենք ամբողջ մի գլուխ, որտեղ նկարագրուած է Իսրայէլ եպիսկոպոսի դժուարին ձմեռային ուղին դէպի Հոնաց Աշխարհ *«ի վաթսներորդ երկրորդ ամի հարաւայնոյ իշխանութեանն»* (հիջրայի), այսինքն՝ 681-682ի ձմռանը²²: Դեսպանութիւնը ճանապարհ է ընկնում *«յամսեանն մեհեկանի, որ ար ԺԸ էր ամսոյն»*, այսինքն՝ Դեկտեմբերի 23ին²³, եւ հասնում Վարաջան/Վառաջան *«ի մուրս Քառասներորդացն»*, այսինքն՝ Կիրակի օր, 682ի Փետրուարի 9ին²⁴: Իսրայէլը արժանանում է հոնաց մեծ իշխանի ճոխ ընդունելութեանը²⁵:

Անանուն մատենագիրը յաջորդ երկու գլուխներում մանրամասն, վաղ միջնադարում բնորոշ ասանդական ոճով, յաճախ առաջին դէմքից եւ յոգնակի թուով (ինչը թոյլ է տալիս ենթադրել, որ նա իր անմիջական մասնակցութիւնն է բերել տուեալ առաքելութիւնում), շարադրում է թէ ինչպէս հոները Իսրայէլի քարոզչութեան արդիւնքում աւերեցին իրենց հեթանոսական մեհեանները եւ ընդունեցին սուրբ մկրտութեան խորհուրդը: Աղփ Իդիթուէլը որոշեց նոյնիսկ քրիստոնէութիւնը Հոնաց Մեծ Իշխանութիւնում հռչակել որպէս միակ պետական կրօն, իսկ Իսրայէլին նա թոյլ տուեց արքունիքի դարպասների առջեւ սուրբ խաչ կանգնեցնել: Աղփ Իդիթուէլը օծուեց Իսրայէլի ձեռամբ Սուրբ Զատկի նաակատեաց (ճրագաւոյցի) օրը²⁶, որը 682ին նշում էր Մարտի

29ին: Այսպիսով՝ մեր տրամադրության տակ ունենք Հոնաց Մեծ Իշխանութիւնում «հայոց քրիստոնէութեան» (որը «ուղափառութեան» տիրող մոդէլն էր ոչ միայն Հայքում, այլեւ յարակից Աղուանքում²⁷), հեթանոսութեան դէմ յաղթանակի ճշգրիտ օրը: Այդ յաղթանակը հնարաւոր եղաւ հայ-աղուանական քաղաքական ու եկեղեցական առաքելութեան շնորհիւ:

Եւ մէկ յատուկ գլուխ մեր յուշարձանում նուիրուած է այն պատմական իրողութեանը, թէ ինչպէս հոնաց մեծ իշխանը որոշեց Իսրայէլին թողնել իր երկրում որպէս հոգետոր առաջնորդ՝ հիմնելով Վարաջան/Վառաջանում հայրապետական աթոռ²⁸: Ստացում է, որ Աղփ Իղիթուէրը նպատակադրուել էր ձեւաւորել հոնաց «ազգային» եկեղեցի, սեփական հայրապետական աթոռով: Հաւանական է՝ նա մտադիր էր ի դէմս քրիստոնէութեան գաղափարական զէնք ձեռք բերել հեթանոսական Խազարիայի դէմ պայքարում, յանուն պետական անկախութեան²⁹:

Իր նպատակը գործադրելու համար՝ Աղփ Իղիթուէրը Իսրայէլի հենց խորհրդով գրաւոր դիմում է աղուանից կաթողիկոս Եղիազարին եւ երկրի իշխան Վարազ Տրդատին խնդրանքով՝ նշանակել Իսրայէլին Հոնաց Մեծ իշխանութիւնում որպէս հովուապետ: Քիչ անց նմանատիպ ուղերձով նա դիմում է հայոց կաթողիկոս Սահակ Ձորափորեցուն եւ երկրի իշխան Գրիգոր Մամիկոնեանին, ինչը ոչ մի զարմանք չի առաջացնում:

Գրաւոր ուղերձները ամբողջովին մէջբերուած են 684 Թուականի Պարմութիւնում: Ահա, օրինակ, Աղփ Իղիթուէրի հայոց երկրի հոգետոր ու աշխարհիկ առաջնորդներին հասցեագրուած թուղթը մեր կրճատումներով. «Իսկ զեկեալ փրկութիւն աշխարհի վերինն Աստուած, յերկիր եկեալ Քրիստոս՝ ի լուր ականջաց լուաք իբրեւ ընդադաւր: Եւ յարշաւանաց մերոց յայդ աշխարհ եւ որ մաւր առ մեաւք Կրունդ Աղուանից զմի հաւաւր ունողք դուք եւ այժմ ամենայն Կրեզդերք, նախանձ բարի եւ մեր Կրեկեցաւ ի սրբի: ... Եւ այժմ զեղեալ առ մեզ սքանչելիս յեկեղոցդ՝ լուեալ ձեր՝ եւ գիայցումն մեր կատարել ախորժեսցիք՝ զնոյնդ (Իսրայէլդ - Ա.Շ.) առաքեալ մեզ Կրեսույ: Եւ ի սրբոյ հայրապետէդ Աղուանից Եղիազարու խնդրեալ է մեր, եւ զձեզ գործակից եւ հաւաւրակից նմա գիտելով աղերսեմք յերկաքանչիւրոցդ կատարել զմեր հոգետոր խնդիր: Զի սակս նորա լինելոյ առ մեզ

արշաանք զարացս խուժադուժ ազգաց յաշխարհի ձեր արգելեալ փակեալ լինիցի՝ մեր մի հաաար ունելով եւ ձեզ»³⁰:

Պատասխան թղթում հայոց վեհափառն ու գահերէց իշխանը նշեցին, թէ իբր Իսրայէլը չէր կարող ընդմիշտ հեռանալ իր թնմից, որը Մեծ Կուէնք աղուանից գաաառում էր. «Այլ զոր խնդրեցէք ի մենց գեպիսկոպոսդ Իսրայէլը.- գրում են նրանք Աղլի Իղիթուէրին,- մեծ է այդ խորհուրդը ձեր, զի չէ մարթ հաարի առանց հովուի լինելը»: Ապա նրանք դիաանագիտօրէն ելնում են դրու-թիւնից. «Եւ արդ՝ ծանր եւ դժուարին է մեզ չկարարել զհայցումնդ ձեր, սակայն պարճառք կան. զի ոչ է նա վիճակեալ մերում աթոռոյս, այլ՝ տանն Աղուանից: Մեր կամ է եւ մեծ յաւժարութիւն՝ լինել նմա առ ձեզ հանապազ, այլ այդ հրաման եւ իշխանութիւն աթոռակցին մերոյ է՝ Եղիազարու՝ հայրապետին Աղուանից. նորա է գործդ այդ»³¹:

Վերջինս, Վարազ Տրդատի հետ, ըստ երեւոյթին, հայկական կողմի ցուցմունքով, յայտնեց հոնաց սուրհանդակներին, որոնք շտապ հասան Աղուանից մայրաքաղաք Պարտաւ, առ այն որ Իսրայէլը կարող է նշանակուել Հոնաց Աշխարհում, ինչպէս իրենք են կարծում, միմիայն համատեղութեան կարգով. «Ոչ է պարտ դմա,- ասում են աղուանից կաթողիկոսն ու իշխանը,- զհաաարացեալ դմա յԱստուածոյ զհաարն իւր թողոյ միանգամայն եւ լինել ընդ ձեզ. այլ երթալ եւ գալ դմա ըստ կարի իւրում հրամայեմք...»³²:

Աղլի Իղիթուէրի նամագրութիւնը հայոց հոգեւոր ու աշխարհիկ առաջնորդների հետ վկայում է, որ այդ մակարդակի հարցերը, ինչպիսին էր նոր ինքնուրոյն եկեղեցական կազմակերպութեան ձեաաւորումը, աղուանից կաթողիկոսի ու իշխանի իրաաաութեան տակ չէին գտնում: Հաաանական է, հենց այդ պատճառով է որ Խորհրդային Ադրբեջանում յայտնի ակադեմիկոս Զիա Բունիաթօվը խուափում էր խոստովանել, որ բացի Պարտաւ ուղարկուած թղթից Աղլի Իղիթուէրը խնդրանքով դիմել է նաեւ Հայոց երկրի առաջնորդներին³³, եւ դա այն դէպքում, երբ վերջինների հետ հոնաց մեծ իշխանի նամակագրական թղթերի պատճէները 684 Թուականի Պարմութիւնում երկու գլուխ են զբաղեցնում:

Հայոց կողմի պատասխան թղթի ենթիմաստից հետեւում է, որ կաթողիկոսանիստ Դուինը ակնյայտօրէն փորձում էր խափանել հոնաց ձեաաւորուող եկեղեցու հնարաւոր լիակաաար անկախացումը: Հակառակ դէպքում՝ նա չէր խոչընդոտի, որ Իսրայէլը

Վարաջան/Վառաջանում նշանակուելի հովուապետ՝ մշտական հիմունքներով. նրա փոխարէն աղուանից Մեծ Կուէնք գաւառում մէկ այլ եպիսկոպոս նշանակելը այդքան էլ բարդ խնդիր չէր:

Հոնաց սուրհանդակներին պաշտօնական Պարտաւի պատասխանը չգոհացրեց, սակայն նրանք ստիպուած էին ընդունել առաջ քաշուած պայմանը: *«Ի գալն (Իսրայէլի - Ա.Շ.) եւ յերթալն առ մեզ մի յապաղեսցի եւ զեղեալ հիմն հաւարոյ անդրէն մի՛ քակտեսցի եւ թողցէ զմեզ որքս,...»*, յայտնեցին նրանք Վարաջան/Վառաջան վերադառնալուց առաջ³⁴: Այս յայտարարութիւնները, ինչպէս շարունակում է մեր անանուն մատենագիրը, անտարբեր չթողեցին Իսրայէլին. նա շտապեց Հոնաց Աշխարհ³⁵:

Հայքի ու Աղուանքի առաքելական գործունէութիւնը, որի միանշանակ նպատակն էր՝ քաղաքական ու հոգեւոր դաշինք հաստատել հիւսիսային վտանգաւոր այս հարեանի հետ, չփոխեց աշխարհաքաղաքական իրավիճակը Մերձկասպեան Կովկասի տարածաշրջանում, քանզի հոները գտնուում էին խազարներից վասալական կախման մէջ: Վերջիններս էլ դարձեալ անցան Մեծ Կովկասի լեռնաշղթան հիւսիսից հարաւ:

Խազարների ու հոների 680ականներին կատարած ներխուժումների վերաբերեալ հետազօտողների շրջանում տարակարծութիւններ կան. հիմնականում հետեւելով ակադեմիկոս Սուրէն Երեմեանին, նրանք պնդում են, թէ տեղի է ունեցել միայն մէկ արշաւանք՝ 684ին, այդ իսկ պատճառով էլ Իսրայէլի գլխատրութեամբ դեսպանութիւն ուղարկուեց Աղի Իդիթուէրի մօտ³⁶: Տարակարծութիւնների հիմնական պատճառը մատենագիրների ոչ պարզորոշ տեղեկութիւններն են: Ահա՝ մեր հիմնական սկզբնաղբիւրի՝ *684 Թուականի Պատմութիւնի* անանուն հեղինակը հոների դարձի ու այն նամակագրութեան մանրամասն եւ հետեւողական շարադրումից յետոյ կտրուկ վերջացնում է իր տարեգրութիւնը: Ղեւոնդ Վարդապետը վերոյիշեալ *«դադարեցին ի հարկաւորութենէ Հայք, Վիրք Աղուանք, ծառայեալ նոցա (Տաճկաց - Ա.Շ.) ամս Լ. եւ եղեն աւուրք ապստամբութեան նոցա ամբ Գ. - գրառումից յետոյ անելացնում է՝* եւ ի չորրորդ ամին փրկեցին ի վերայ աշխարհիս Հայոց հիւսիսային ազգն, որ ասին Խազիրք, եւ սպանին ի պալտերազմին զիշխանն Գրիգոր եւ զբազումս ի նախարարացն եւ զիշխանն Վրաց, եւ Աղուանից»³⁷: Ուշ խմբագրումներն էլ խա-

զարների այս ներխուժումը թուազրում են տարբեր կերպ: Օրինակ՝ Յովհաննէս Գ. Դրասխանակերտցի կաթողիկոսը (898-929) թուազրում է այն Սահագ Գ. Ձորափորեցու գահակալման Է. տարում (683/4)³⁸, իսկ Ասողիկը՝ հայոց 134 թուով (685/6)³⁹:

Մինչ օրս հետազոտողները պատշաճ ուշադրութիւն չեն դարձրել Փիլոն Տիրակացու հաւանական վկայութեանը: Նրան վերագրուող *Ժամանակագրութիւնը* աւարտում է հետեւեալ տողերով. «ԻԻՍՏԻԱՆՈՍ որդի երրորդ Կոստանդնի, ամբ Բ: Ի սորա առաջին ամին տիրեցին հիւսիսային ազգն, որ ասին Խազիրք՝ Հայոց, Վրաց եւ Աղուանից: Եւ սպանին ի պատերազմի զիշխանս Հայոց, Վրաց եւ Աղուանից, յամսեանն սահմի, որ ար Ժ էր ամսոյն, ի ԾԼԴ թուականին Հայոց»⁴⁰: Այսպիսով, մեր տրամադրութեան տակ ունենք խազարների դէմ ճակատագրական ճակատամարտի եւ իշխանների մահուան ճշգրիտ օրը՝ 685ի Օգոստոսի 16ը:

Տարեթիւը լիովին համապատասխանում է ե՛ւ բիւզանդական կայսր Յուստինիանոս Բ.ի (685-695 եւ 705-711) գահակալման առաջին տարուան, ե՛ւ Ղեւոնդ Վարդապետի *Ժամանակագրութեանը* (652ի Օգոստոսին կնքուած հայ-արաբական դաշինքի /30+4=34րդ տարում), ե՛ւ Ասողիկի (հայոց 134):

Աւելին, իրաքցի պատմիչ Խալիֆա իբն Խայեթի (776/4-854) մօտ պահպանուել է մի համառօտ, սակայն արժէքաւոր գրանշում թէ, որ հիջրայի 66ին, որի սկիզբը համապատասխանում էր 685ի Օգոստոսի 8ին, խազարների կողմից ալ-Մաուսիլում (Մոսուլում) սպանուեց արաբ կառավարիչը⁴¹: Ակնյայտ է, որ խազարների արշաւանքը այս անգամ հասել էր մինչեւ Վերին Միջագետք:

Եւ, այսպէս, Է. դարի երկու սկզբնաղբիւրների եւ դրանց Ը.-Ժ. դարերի խմբագրումների հաղորդագրութիւններից մեզ հասած նիւթերի ամփոփումը ցոյց տուեց, որ 680ականների սկզբներին տեղի է ունեցել հիւսիս-կովկասեան թիւրքախօս քոչւորների երկու արշաւանք: Եթէ 681ի Սեպտեմբերին նրանք ներխուժեցին Աղուանք, ապա երկրորդ անգամ՝ 685ի Օգոստոսին, կատարեցին մեծ արշաւանք ոչ միայն դէպի Աղուանք, այլեւ՝

Հայք ու Վիրք, սպանելով տեղի կառավարիչներին: Իրադարձութիւնների ընթացքը անլի պարզ լուսաբանելու համար՝ այս երկու արշաւանքներից առաջինը առաջարկում ենք կոչել «փոքր»: Ակնյայտ է, որ մեծ արշաւանքի ժամանակ անլի

շատ տուժեցին Հայքն ու Վիրքը: Ասողիկը, ով ներխուժման ճշգրիտ տարեթիւն էր պահպանել սերունդների համար, հաղորդում է, որ սպանուեցին միայն նշուած երկու իշխանութիւնների կառավարիչները: Իսկ ինչ վերաբերում է աղուանից եպիսկոպոս Իսրայէլի գլխատրած դեսպանութեանը դէպի հոնաց մեծ իշխանութիւն, ապա այն կարող էր տեղի ունենալ միայն 681ի այդպէս կոչուած «փոքր արշաւանք»ից յետոյ: 685ի խոշոր արշաւանքից յետոյ, որին ենթարկուեցին Կովկասից հարաւ գտնուող քրիստոնեայ բոլոր երեք իշխանութիւնները, դեսպանութիւն կ'ուղարկուէր ո՛չ միայն Աղուանից կաթողիկոսի ու այդ երկրի իշխանի կողմից, եւ ո՛չ միայն դէպի հոնաց մեծ իշխանի արքունիք: Այնպէս որ Երեմեանի եւ այն հետազօտողների⁴², եզրակացութիւնները, որտեղ տեղ է գտել 680ականների սկզբներին (հոների ու) խազարների կողմից կատարուած միայն մէկ արշաւանքի գաղափարը, անհիմն են մեզ թւում: Բացի այդ, երկրորդ արշաւանքը հարկաւոր է թուագրել ոչ թէ 684ով, ինչպէս որ մինչ օրս առաջարկուծ էր անել, այլ՝ 685ի Օգոստոս ամսով:

Երկրորդ ներխուժման պատճառ կարող էր հանդիսանալ խազարական աագանու թշնամական վերաբերմունքը՝ հեթանոս խաքանութիւնից վասալական կախման մէջ գտնուող Հոնաց Մեծ Իշխանութիւնում քրիստոնէութեան տարածման ու հաստատման հայ-աղուանից առաքելութեան գործընթացին: Բանն այն է, որ միաստուածեան կրօնի ընդունումը, ինչպէս արդէն նշեցինք, թոյլ կը տար ինքնավար հոնաց իշխանութեանը ձեռք բերել լիակատար պետական անկախութիւն: Եւ, հաւանական է, Աղլի Իդիթուէրը հասցրեց մինչեւ 685ի օգոստոսեան արշաւանքի սկիզբը հիմնադրել Վարաջան/Վառաջանում հայրապետական այթոռ Իսրայէլի գլխատրութեամբ, եւ քրիստոնէութեան գաղափարախօսական դրօշի ներքոյ սկսել իր թեժ պայքարը յանուն ինքնիշխանութեան: Միայն մեր այսպիսի ենթադրութիւնները կարող են բացատրել աղբիւրներում բացակայող այն փաստը, որ այս 685ի խոշոր արշաւանքը նոյնպէս գլխատրում էր Աղլի Իդիթուէրը, եւ, որ ընդհանրապէս այն կատարեցին հոները. ամէնութեք խօսքը գնում է միայն ու միայն խազարների մասին: Հետեաբար, սա խազարաց խաքանի պատժիչ արշաւանք էր ընդդէմ իր հոնաց վասալի եւ վերջինիս քաղաքական ու հոգեւոր դաշնակիցների՝ ի դէմս Աղուանքի ու Հայքի իշխանների:

Հնագանդեցուած հոները պէտք է որ վերադառնային հեթանոսութեան եւ աջակցէին զօրքով խազարաց գերիշխանին՝ արշաւելու Աղուանք, Հայք եւ Վիրք:

Այսպիսով, հայ-աղուանական քաղաքական ու կրօնական առաքելութեան յաղթանակը, որի հետեւանքն էր Հոնաց Մեծ Իշխանութիւնում «հայոց քրիստոնէութիւն»ը որպէս պետական կրօն հռչակելը, տեւեց շատ կարճ: 682ի Մարտի 29ից մինչեւ 685ի Օգոստոսի սկիզբը:

ԾԱՆՕԹԱԳՐՈՒԹԻՒՆՆԵՐ

¹ Մանրամասն տե՛ս՝ Arsen Shahinyan, *Armeniya I Strani Yujnogo Kavkaza V Usloviyakh Vizantiysko-Iranskoy I Arabskoy Vlasti*, seria "Vizantiyskaya biblioteka. Issledovaniya" (Հայաստանը եւ Հարաւային Կովկասի երկրները քիւզանդա-իրանական ու արաբական իշխանութեան պայմաններում, «Քիւզանդական Գրադարան Մատենաշար: Ուսումնասիրութիւններ»), Սանկտ Պետերբուրգ, «Ալեւտէյա», 2011, էջ 112-117:

² «Փիլոն Տիրակացի, Ժամանակագրութիւն», *Մարտենագիրք Հայոց, Հոր. Ե. (Է. Դար)*, Անթիլիաս, Տպարան Մեծի Տանն Կիլիկիոյ Հայոց Կաթողիկոսութեան, Լիբանան, 2005, էջ 969:

³ «Պատմաբանութիւն Ղետնդեայ Մեծի Վարդապետի Հայոց», *Մարտենագիրք Հայոց, Հոր. Զ. (Ը. Դար)*, Անթիլիաս, Տպարան Մեծի Տանն Կիլիկիոյ Հայոց Կաթողիկոսութեան, Լիբանան, 2007, էջ 743-744:

⁴ Տե՛ս, օրինակ՝ Suren Eremyan, «Moisey Kalankatujskiy O Posolstve Albanskogo Knyazya Varaz-Trdata K Xazarskomu Xakanu Alp-Ilitveru» (Մովսէս Կաղանկատուացիի խազարաց խաքանի մօտ աղուանից իշխան Վարազ Տրդատի դեսպանութեան մասին), *Zapiski Instituta Vostokovedeniya Akademii Nauk*, 1939, Հոր. 7, էջ 135-136. նաեւ՝ Kamila Trever, *Ocherki Po Istorii I Kulture Kavkazskoy Albanii*. IV v. do n.e. - VII v. n.e. (Դրուագներ Կովկասեան Աղուանքի պատմութեան ու մշակոյթի. Դ. դար Բ.ա.-Է. դար Բ.ե.), Մոսկուա-Լենինգրադ, ՍՍՌԴ ԳԱ, 1959, էջ 249. նաեւ՝ Aram Ter-Ghevondyan, *Armeniya I Arabskiy Xalifat* (Հայաստանը եւ Արաբական Խալիֆայութիւնը), Երեւան, ՀՍՍՀ ԳԱ, 1977, էջ 50. նաեւ՝ Nina Garsoïan, "The Arab Invasions and the Rise of the Bagratuni (640-884)," *The Armenian People from Ancient to Modern Times*, ed. by R. Hovannisian, 1-2, New York, St. Martin's Press, Հոր. 1, 1997, էջ 123:

⁵ كتاب فتح البلدان تأليف الإمام أحمد بن يحيى بن جابر البلاذري — Liber expugnationis regionum auctore Imamo Ahmed ibn Jahja ibn Djabir al-Beladsori, ed. M. de Goeje, Lugduni Batavorum, Brill, 1866, էջ 205: Քաղաքացիական այս պատերազմի մասին տե՛ս՝ Գէորգ Աստարճեան, *Ընդարձակ, Ընդհանուր Արաբական Պարմութիւն (2500 Ն.Ք.-1918)*, Պէտրոս, Տպ. Սեւան, 1961, էջ 177-178:

⁶ *Ibn Wadhih* — تاريخ أحمد بن أبي يعقوب بن جعفر بن وهب ابن واضح الكاتب العباسي المعروف باليعقوبي *qui dicitur al-Ja'qubi*, Historiae, ed. M. Houtsma, 1-2, Lugduni Batavorum, Brill, 1883, Հոր. 2, էջ 277-278:

⁷ Համառոտ խմբագրությունում՝ Վառաշան («Աշխարհացոյց», *Մարտնագիրք Հայոց, Հոր. Բ. (Ե. Դար)*, Անթիլիաս, Տպարան Մեծի Տանն Կիլիկիոյ Հայոց Կաթողիկոսութեան, Լիբանան, 2003, էջ 2170):

⁸ Նոյն տեղում, էջ 2150:

⁹ «Անանուն, 684 Թուականի Պատմություն», *Մարտնագիրք Հայոց, Հոր. Ե. (Է. Դար)*, Անթիլիաս, Տպարան Մեծի Տանն Կիլիկիոյ Հայոց Կաթողիկոսութեան, Լիբանան, 2005, էջ 825-827:

¹⁰ Հոնաց այս մեծ իշխանի անունը յիշատակում է սկզբնաղբիւրում երկու անգամ, երկուսն էլ յաջորդ գլուխներում:

¹¹ «Անանուն, 684 Թուականի Պատմություն», էջ 827:

¹² Նոյն, էջ 855-859:

¹³ Նոյն, էջ 859-861:

¹⁴ Նոյն, էջ 856:

¹⁵ Նոյն, էջ 868: Անտեսելով հիջրայով թուագրոտող Ջեանշէրի մահը՝ ոմանք այս սպանությունը թուագրել են 669 (տե՛ս, օրինակ՝ Eremyan, յաւելում, էջ 155. Նաեւ՝ Trever, էջ 249. Նաեւ՝ Mikhail Artamonov, *Istoriya Xazar* (Խազարների պատմություն), Լենինգրադ, Պետական Էրմիտաժ, 1962, էջ 186), միւսները՝ 670ով (տե՛ս, օրինակ՝ Anatoliy Novoseltsev, *Xazarskoe Gosudarstvo I Ego Rol V Istorii Vostochnoy Evropy I Kavkaza* (Խազարական պետությունը եւ նրա դերը Արեւելեան Եւրոպայի ու Կովկասի պատմությունում), Մոսկուա, «Նաուկա», 1990, էջ 175):

¹⁶ Հայ Առաքելական Եկեղեցին տարուայ տաղաւար տօներինց այս հինգերորդն ու վերջինը նշում է Կիրակի օրը, Սեպտեմբերի 11-17ն ընկած ժամանակահատուածում, ինչպէս նաեւ յաջորդ շաբաթուայ երկուշաբթի, Ուրբաթ եւ Շաբաթ օրերին: Մեր հաշուարկով, 681ին Կիրակի օր էր նշուած ժամանակահատուածում Սեպտեմբերի 15ը, իսկ յաջորդ շաբաթուայ երկուշաբթի օրն էր ամսի 16ը, Ուրբաթ ու Շաբաթ օրերն էին ամսի 20ն ու 21ը, համապատասխանաբար:

¹⁷ «Անանուն, 684 Թուականի Պատմություն», էջ 861-863:

¹⁸ Նոյն, էջ 863-864:

¹⁹ Նոյն, էջ 868-871:

²⁰ Նոյն, էջ 866-868:

²¹ Դրա մասին մանրամասն տե՛ս՝ Shahinyan, էջ 184-199:

²² Տե՛ս՝ «Անանուն, 684 Թուականի Պատմություն», էջ 868-871: Երեմեանը, հիմնականում հիմք ընդունելով անելի ուշ հայ մատենագիրների տեղեկությունները, իր յօդուածում այս դէսպանությունը թուագրում է 684-685 ծնունդը (Eremyan, էջ 134-137):

²³ Հիջրայի 62ը (=681ի Սեպտեմբերի 20 – 682ի Սեպտեմբերի 9ը) մօտատրապէս համապատասխանում է հայոց 130ին (=681ի Յունիսի 8 – 682ի Յունիսի 7ը), իսկ նրա Մեհեկան ամսուայ 18ը՝ 681ի Դեկտեմբերի 23ին: Տարբերել հայոց տոմարով պահպանուել է ԺԱ. դարի սահմանագլխի պատմիչ Ասողկի մօտ

(Ստեփանոս Տարանեցի Ասողիկ, «Պատմութիւն Տիեզերական», *Մարտնագիրք Հայոց, Հ. Ժ. Ժ. (Ժ. Դար, Պարմագրութիւն Երկու Հափորով, Գիրք Բ)*, Անթիլիաս, Տպարան Մեծի Տանն Կիլիկիոյ Հայոց Կաթողիկոսութեան, Լիբանան, 2012, էջ 702): Երեմեանը այս 130ը, միա խմբագրումների մօտ տեղ գտած ժամանակագրությունների հետ համատեղելու համար, ուղղակի առաջարկել է փոխարինել այն հայոց 133ով (684/5):

²⁴ Մեր իաշուարկով՝ 682ին Քառասնորդական կամ Մեծի Պահոց շրջանը սկսուեց Փետրուարի 10ին, իսկ Սուրբ Զատիկի տօնը նշուեց՝ Մարտի 30ին:

²⁵ «Անանուն, 684 Թուականի Պատմութիւն», էջ 870: Երեմեանի որոշմամբ՝ Իսրայելի երթուղին ձգուեց Քարթլիի (Վիրքի) տարածքով (Eremyan, էջ 137-150):

²⁶ «Անանուն, 684 Թուականի Պատմութիւն», էջ 871-888:

²⁷ «Ուղակառութեան» հայոց մոդէլը հիմնականում կայանում է առաջին երեք տիեզերական ժողովների ընդունման եւ չորրորդ, Քաղկեդոնում 451ին իրաւորած, տիեզերական ժողովի մերժման դիրքորոշումից:

²⁸ «Անանուն, 684 Թուականի Պատմութիւն», էջ 888-891:

²⁹ Նման գաղափար առաջին անգամ արտայայտել է դեռ ռուս յայտնի գիտնական Անատոլիյ Նովոսելցեւը (տե՛ս՝ Novoseltsev, էջ 147):

³⁰ «Անանուն, 684 Թուականի Պատմութիւն», էջ 892:

³¹ Նոյն, էջ 893-894:

³² Նոյն, էջ 894: Հաւանական է, այդպիսի ընթացակարգ կիրառուել է աւելի վաղ: Դասխտուանցու եռահատոր *Պարմագրութիւն Աղուանից Աշխարհիի երրորդ հատորի վերջին ԻԴ. գլխում՝ «Անուան Հայրապետացն Աղուանից, Ամբ Եւ Գործք Նոցին»* խորագրով, կարելի գտնել մի գրանշում առ այն, որ Աղուանից 11րդ եպիսկոպոսն էր (Զ. դարի սկիզբ) *«սուրբն Յովնան, որ եւ Հոնացն եղեւ եպիսկոպոս Կրտ հայրապետական շնորհիւ, զորպէսն չգիտմք»* (տե՛ս՝ «Մովսէս Կաղանկատուացի, Պատմութիւն Աղուանից աշխարհի», *Մարտնագիրք Հայոց, Հ. Ժ. Ժ. (Ժ. Դար, Պարմագրութիւն Երկու Հափորով, Գիրք Բ)*, Անթիլիաս, Տպարան Մեծի Տանն Կիլիկիոյ Հայոց Կաթողիկոսութեան, Լիբանան, 2012, էջ 421):

³³ Zia Buniyatov, *Azerbaijan v VII-IX vv. (Աղրեքջանը Է-Թ. դդ.)*, Բաքու, Աղրեքջանական ՍՍՀ ԳԱ, 1965, էջ 103-104:

³⁴ «Անանուն, 684 Թուականի Պատմութիւն», էջ 894:

³⁵ Նոյն, էջ 894-895:

³⁶ Eremyan, էջ 129-155. նաեւ՝ Trever, էջ 249-250. նաեւ՝ Ստեփան Մելիք-Բախշեան, *Հայաստանը VII-IX Դարերում*, Երեւան, «Միտք», 1968, էջ 91-92. նաեւ՝ Ter-Ghevondyan, էջ 50-51. նաեւ՝ Garsoïan, *The Arab Invasions and the Rise of the Bagratuni (640-884)*, էջ 123: Մեր օրերի խոշոր ռուս արաբագէտ Օլեգ Բոլշակովը գրում է միայն 681ի ներխուժման մասին (տե՛ս՝ Oleg Bolshakov, *Istoriya Xalifata, Հ. Գ. Մոսկուա, Ռուսաստանի ԳԱ «Վոստոչնայա Լիտերատուրա», 1998, էջ 214*): Խորհրդային պատմագրութիւնում երկու արշաւանքների վերաբերեալ գրանշումներ նոյնպէս եղել են (տե՛ս, օրինակ՝

Artamonov, էջ 186, 190. Նաեւ՝ Bunyatov, էջ 102, 104. Նաեւ՝ Novoseltsev, էջ 175–176):

³⁷ Ղեւնդ, էջ 744:

³⁸ Յովհաննէս Դրասխանակերտցի, «Պատմութիւն Հայոց», *Մատենագիրք Հայոց, Հրդ. ԺԱ. (Ժ. Դար, Պատմագրութիւն)*, Անթիլիաս, Տպարան Մեծի Տանն Կիլիկիոյ Հայոց Կաթողիկոսութեան, Լիբանան, 2010, էջ 414-415:

³⁹ *Արեւիանոս Տարանեցի Ասողկ, էջ 702:*

⁴⁰ *Փրլոն Տիրակացի, էջ 969:*

⁴¹ تاريخ خليفة بن خياط \ حقه وقته له اكرم ضياء العمرى — The History of Khalifah ibn Khayyat, ed. by Akram Diya' al-Umari, Nagav, [S.l.], 1386–1387 A.H. / 1967 A.D., p. 260:

⁴² Տե՛ս՝ ծանօթ. 37:

THE ARMENIAN-ALBANIAN POLITICAL AND RELIGIOUS MISSION TO THE
NORTH-EASTERN CAUCASUS AND THE DATE OF THE HUNS' CONVERSION
(Summary)

ARSEN K. SHAHINYAN
a.shaginyan@spbu.ru

Through extensive and diverse sources, the author establishes the exact date of the 'victory' (29 March 682) of "Armenian Christianity" (the dominant model of "orthodoxy" not only in Armenia, but also in neighboring Caucasian Albania) over paganism in the Grand Principality of the Huns.

The author also establishes the time (early August 685) the Northern Caucasus Huns returned to paganism following the punitive expedition of the suzerain Khazars against the Albanian and Armenian principalities.

N.E. The article was made possible through Saint Petersburg State University research grant 5.38.283.2014.